

Pemerintahan Barisan Nasional di Sarawak, 1963-2006: satu analisis

Abstract

Makalah ini bertujuan memberikan pendedahan awal tentang faktor yang menyebabkan Barisan Nasional (sebelum 1971 dikenali sebagai Perikatan Sarawak) berjaya mengekalkan penguasaannya dalam persaingan politik di Sarawak sejak 1963 lagi. Mengapa dan bagaimana izzah politik Barisan Nasional (BN) di Sarawak dapat dipertahankan selama hampir 43 tahun, merupakan persoalan akar yang dikupas menerusi makalah kerdil ini. Perlu dinyatakan, makalah ini dihasilkan menerusi pemerhatian penulis terhadap terowong politik di Sarawak sejak sedekad yang lalu, di samping meneliti fakta-fakta sejarah mengenai kedirgahayuan BN dalam sasana pilihanraya negeri. Oleh itu, makalah ini juga bertujuan memberikan pendedahan awal secara bandingan mengenai pengaruh dan populariti BN dengan parti-parti pesaingnya pada masa-masa mendatang khasnya dalam kerangka kehidupan berpolitik di Sarawak. Sungguhpun begitu, ini tidaklah bermakna era pemerintahan BN di Sarawak tidak mempunyai kelemahan; malah terdapat beberapa isu (seperti rasuah, penyalahgunaan kuasa, kronisme, nepotisme, pembangunan tanah, pengagihan balak, perebutan jawatan, politik wang, kepentingan kesukuan, keadilan, hak asasi, kebebasan, ketelusan dan sebagainya) yang pernah diungkitbangkitkan dalam pilihanraya tempatan. Bagaimanapun, sehingga kini, isu-isu tersebut dilihat belum lagi mampu menggugat sokongan dan merobek kepercayaan majoriti pengundi tempatan terhadap BN Sarawak.